



Rabu, 29 November 2023

Ogen: Roma 12:21



“Naluken Si Jahat Alu Si Mehuli”



Sekalok teman pernah nungkun; nina bagenda: "kai nge untungna man banta adi kita erbahan si mehuli aminna pe kita ijahati kalak?". Penungkunen si peduaken, 'banci nge kita erbalas nandangi kejahatann si ibahan kalak man banta?'. Duana penungkunen enda mabai kita selaku moria laku rukur dengen nggejapken kerna lagu Langkah si mehuli nandangi perbahanen kelak si la uli. Arus lit pengangkan simbelin bage pe kiniteken si mbages kerna ndalanken rikut pe ras ndahiken dahin si mehuli aminna gia kalak erbahan si la uli nandangi geluhta.

Jesus Kristus i pakuken ku kayu persilang labo erkiteken kejahatann si ilakokenNa tapi persilang e i babana gelah kalak si jahat ndatken keselamatann bage pe keterkelinen. Em usihenta kerna uga kita ngaloken perbahanen kalak si jahat tapi la mbalassa alu kejahatann. Selaku kalak sierkiniteken la lit hakta guna mbalas perbahanen kalak si jahat nandangi kita; si totokenlah dengen si endesken man Dibata dikune lit kalak erbahan si la uli kempak kegeluhennta. Paulus bas ogenta nuriken maka "ola pelepas kam talu ibahan si jahat, tapi talukenlah si jahat e alu perbahanen si mehuli". Kata enda mpersingeti kita maka senjata naluken kejahatann eme perbahanen si mehuli. Bali ras gelap italuken terang bageme pe bas kegeluhen enda. Memang labo mesunah guna ndalankenca, butuh proses guna si pindo gegeh bas Dibata nari dengen siusur-usur ngelatih dirinta guna sie. Tetaplah kita berjuang guna banci menahan diri lako la mbalas kejahatann alu kejahatann tapi balaslah kejahatann alu tetap erbahan si mehuli. Inget maka Dibata la pernah tunduh natap kempak anak-anakNA si nggeluh i bas kiniteken aminna pe mesera.

☞ *Mehulilah aminna gia kalak la mehuli man banta*